



UNIVERSITÄTS-
BIBLIOTHEK
PADERBORN

Universitätsbibliothek Paderborn

Johannis Strauchi[i] Jcti Amoenitatum Juris Canonici Semestria duo

Johannis Strauchi[i] Jcti Amoenitatum Juris Canonici Semestre alterum -
Cum Indicibus

Strauch, Johann

Jenae, 1674

Caput I. Ad tit. Cap. III. & IX. de officio Judicis ordinarii.

urn:nbn:de:hbz:466:1-10241

ECLOGA IX.

CAPUT I.

Ad tit. Cap. III. & IX. de officio Judicis
ordinarii.

S U M M A R I A.

1. Rubrica restitutio.

2. Judices ordinarii.

3. Capit. 3. h. t.

4. Capit. 7.

5. Novempopulania.

6. Caput 9. non ad Turon. sed Tyrensem Archiepisc. rescribitur.

Rubrica hujus tituli in primâ collectione ita habet: De officio & potestate Prælati & judicis ordinarii. Judices ordinarii dicuntur, qui in ordinem & numerum judicum sunt assumpti, & per adeptionem dignitatis suæ fiunt competentes judices. Vel, ut Alciatus, qui propriam Jurisdictionem habent à lege sibi delatam circa universitatem negociorum.

In cap. 3. vers. Quapropter &c. Ita habetur in primâ collectione: *Quapropter d. v. per A. f. m. qua.* (discretionem vestram per Apostolica scripta mandamus quatenus) *si quando dilectus filius noster Lan. Plebanus S. Pancratii de Lucar.*

In cap. 7. Innocentius III. rescribit Auxitano Archiepiscopo. Is est metropolitanus Aquitanie III. seu Novempopulanie, Ammianus lib. 15. *Novempopulos Ausci commendant & Vasates.* Postea Vasconia curta dicta est, ad differentiam Aquitanie II. quæ & ipsa Vasconia dici cœpit. Auscii, Ausci Cæsari & Plinio, vulgo Aux, inde Auscensis & Auxitanus. Jubeat autem Papa coercere monachos ejus provincie, qui claustrum abhorrentes per curias Principum discurrebant.

In cap. IX. scribitur Turonensi Archiepiscopo, si Raymundo credimus. Sed in primâ compilatione & apud Innocentium ipsum libro primo Regesti habetur Tyrensi. Quæ lectio vera est. Conqueritur enim Archiepiscopus adversus Patriarcham Hierosolymitanum, quod is compelleret subditos Tyrensis coram se respondere, præterito suo Archiepiscopo. Qualis querela Turonensi

nensi minimè convenit. Quid enim ei cum Hierosolymitano? Archiepiscopus Tyrius olim primum locum obtinuit inter Metropolitanos Antiocheno Patriarchæ subditos: Sed ex quo Syria à Latinis Saracenis ademta fuerat, Patriarchatui Hierosolymitano salvo gradus honore accessit, ut habet Guilielmus Tyrius *lib. 14. cap. 12.*

CAP. II.

Ad cap. X. de officio Jud. ord.

SUMMARI A.

- | | |
|---|------------------------------|
| 1. Status questionis. | 4. Fine seculi XII. ademtum. |
| 2. Ratio dubitandi. | 5. Justin. Novella. |
| 3. Clerus & populus intererant electioni. | 6. Ratio decidendi. |
| | 7. Id illustratur exemplis. |

Status questionis.
Ratio dubitandi.
Clerus & populus intererant electioni.
Fine seculi XII. ademtum.
Justin. Novella.
Ratio decidendi.
Id illustratur exemplis.

Interrogabatur Innocentius, utrum posset consecrationem sui suffraganei alteri committere. Quod affirmat. Ratio dubitandi: Quia Metropolitanus est confirmare, ergo & consecrare. Confirmatio electionis ad Metropolitanum spectat & Episcopos comprovinciales saltem tres. *can. 4. synodi Nicæna. can. Episcopi. dist. 64. can. Episcopus. dist. 65.* reliquis per literas consentientibus. Clerum & populum suffragatos fuisse, & Episcopos eodem tempore judicium tulisse, testatur Cyprianus de Sabino Episcopo scribens *lib. 1. epist. 4.* Post concilium Nicenum clerus & populus intererat electionibus. In occidente diutius jus electionum mansit clero & populo. Fine demum seculi XII. paulatim horum jus ad Canonicos migravit Ecclesiarum cathedralium, quod confirmarunt plurimæ Pontificum constitutiones. Justinianus Imperator, formam electionum *Nov. 123. & 137.* ita præscribit, ut clerici & cives honorati trium personarum electionis decretum scripto facere teneantur & ad Metropolitanum mittere, ut unus è tribus eligatur. Ratio decidendi, quod si Metropolitanus causâ aliquâ fonticâ impediatur, nõ impeditur per canones, quo minus possit id mandare suffraganeo. *can. Comprovinciales.*